

BOCHOR REAK 28AK ATHWAR

Onor

Kristre adi manotan dularia Go-Baba, boeha-miserako- jotoko Jisu maran

Teheñ do bochor reak bar gel eralak Athwar kana.

Teheñ nondebon hajirakana niã Sonot Misare seledok lagitte. Niã Sonot Misã oktere teheñbon kulikma: Cet inak ontor do Dharti reak dhon -sompod re tolakana se Jisu re tolakana? Teheñ dharti re, manwa do dharti reak dhon-sompodte, serma reak sahãikoe hiriñetkana cedak je dharti reak dhon-sompodte joto cetanre malike hoeakana. Serma reak sahãe ko do dhon-sompod te dapal esetakana.

Teheñ dharti reak somajre niãge nelokkana je dãreyan horko do jasti taka-pãisa ar dhon-sompodteko lekhačkana. Teheñ khobor kagojko, mobileko re niãgeko udukabonkana je lațu horko do taka-pãisa ren horko kanako. Lațu hor hoyok reak dahar re aema lekate lațu hor hoyok lagitbon kurumuțuetkana, ar adhom okte re barić dahar ar barić kamiko apnar kate hõ lațu hor hoyotbon menjořkana.

Dela tobe ona sanam okte ko bon disãema ar

Teheñbon kulikma:

- Cet in do inat jion re Isor lagit pahil jaega menaktiãa se ban?
- Cet dhon-sompod ge inren Isor kanako se cet?
- Cet in do inak dhon-sompod Isor sewa lagitiã bebharetkana se ban?
- Cet in do inak dhon-sompod reñgečko talaren hařinetkana se ban?
- Cet in do inren Isor gota monete, sanamko cetanre pujaãaekana se ban?
- Isor pañjae re ar Uni pujaãae re dhon-sompod do akot hoyokkana?

Pahil Paț

Akil reak puřikhon tehenak pahil paț Akil puthi 7: 7-11

In doñ koeana ar budiã emocoena:

Nehorenã ar akil reak atma in then hecena.

In do raj ar siñghasonko khon uni dherin damkedeã;

Ar dhon do uni tuluc jurikate, cet hõ ban lekhaleda,

Ar jahan daman hira-manit hõ, uni tuluc jurik lek ban metata.

Ente uni tuluc jurilekhan,

sanam sona do mit dhuknuc gitil leka,

Ar rupa do uni samnere losot leakage lekhaķa.

In do uni jiai-jațI ar moñtet khon dherin dulařkedeã,

marsal bodol uni bocoñin hãsadeã,

Ente uniak jhalkaotet do tis hõ ban řijjokkana,

Akil são soñgetege sanam bhageakko hecãdiãa

Ar uniak ti khon alekha dhon juṭaudiña.

Noage Probhuak katha do.

Seren ruarok orhe 89:12-17

Coran: Amak dularṭe sareṅkalem, jemonle hulasok.

1. Aleak jingi reak ursin barsin din lekhae cetaleme

Jemon ontor reak akille nam.

Nembrotlenme, E Probhu, tinak habicem edreka?

Ale amren sekwako bare dayawaleme.

2. Setakre Amak dularṭe sareṅkaleme,

Ar jiwet bhor seren arle hulasoka.

Raskaocolem bare, one cet leka laharem harkhetocoketle,

Inako sermare, one tisem sajai ketle.

3. Ale amren sekwako Amak kami bare udukaleme,

Ar aleren hoponko Amak thonok nelocokom.

Probhuak bhor do ale cetanre takenma;

Aleak ti reak kami bare jowaocoetaleme.

Dosar Paṭ

Ibriko laṅiṭ Puṭhi khonak teheṅak Dosar Paṭ

Ibriko 4:12-13

[12] Isorak' katha do jiwet'gea ar jojaoak' kangea ar dene banar dharanak' tarware khon ho barti lasergea. Noa katha do manwa jiwu ar jiu, uti ar tumul hatin begar habic' ho sobok'ak' kana ar manwa ontor reak' sanam monejonak' ar hudisko bidau atkarak' kana. [13] Sirjon reak' okaṭak' ho Isor then do okoanak' banuk' anan. Okoe then aboak' hisab emok' hoyok' uni then do sanamak'ge oṭak'gea ar sodorgea.

Noage Probhuak Katha do...

Sarhao Aran

Alleluia!

Atmare bapuricko doko bhagangea;

ente serma raj do onkoak' kangea.

Alleluia!

BHAGE SOMBAT

Sonot Markuse olakaꝓ leka Bhage Sombat

Mark 10:17-30

[17] Jisu do arhō horteye oꝓok calak'kan tahēkanre mit'ten hoꝓ do uni thene nīr hec'ena ar ikhuꝓumenteye menkeda, "E Guru, am do mit'ten bhage hoꝓ kanam. Laiyañme, jaejug jion nām laꝓit' in do cet'in cekaea?" [18] Jisu do uniye metadea, "Cedak' bhage dom mitañkana? Isor chaða ar okoe hō bhage do banuk'koa. [19] Hukumko mam baðaage, 'alom khūna, alom laꝓghaða, alom kombꝓoya, eꝓe goha alom ema, alom thokakoa, ar gogo-babam manotkina.' " [20] Uni hoꝓe menkeda, "E Guru, gidꝓa khonge noako joto doñ manao aꝓuiyeda." [21] Jisu do uniye beñget'adea ar dulāꝓ salak'e metadea, "Mit'tec' jinis dom baꝓi oꝓo akawada. Do calak'me, ar oka menak'tam ona aꝓkhrinꝓate reñgec' oꝓec'ko dan akome. Onate sermare dhonem nāma. Ar ina tayom do hec'kate inren cela hoyok'me." [22] Noa katha añjomꝓate uni hoꝓ doe mirluñena. Uni do aꝓi utaꝓ dhon tahēkantaete bhabnakateye ruāꝓ calaoena. [23] Unre Jisu do beꝓhaete beñget' aꝓurꝓate ac'ren celakoe metat'koa, "Kisāꝓko laꝓit' serma rajte bolok' do muskilgea!" [24] Khan celako do Jisuak' noa katha añjomꝓteko haharayaena. Jisu do arhōe metat'koa, "E bachako, okoe dhon-duribꝓeko bhorsak'kan onko laꝓit' Isorak' rajte bolok' do muskilgea. [25] Kisāꝓ hoꝓ Isorak' rajte bolok' khon sui bhugaꝓ'te ūte bolo tabok'ge algawa." [26] Noa iaꝓe celako do arhōko bhāꝓoyente ako talare memenko ehop'ena, "Endekhan kaꝓ khon do okoeye bañcao daꝓekok'a?" [27] Jisu do beñget'at'koteye metat'koa, "Manwa hotete bañ hoydareak're hō, Isor then bin leꝓejok'ak' do banuk'a; uni then do sanamak'ge hoyok'a." [28] Patras do uniye metadea, "Nelme, ale do jotowak' baꝓikate amren celale hoyakana," [29] Jisui roꝓ ruāꝓat'koa, "Saꝓrigeñ metapekana, jāhāeꝓe in ar Isorak' bhage sombat iaꝓe oꝓak' duāꝓ se boehako se miserako se eñgat se aꝓat se gidꝓako se ot baꝓgekoe baꝓi oꝓoakat', [30] uni do nia purire mit' sae doboꝓ dher oꝓak'-duāꝓ, boeha-misera, eñgat-apat, gidꝓako ar ot-baꝓgekoe nāma ar ona são sãote uni doe santao oꝓok'a; ar hana purire do jaejug jione aꝓdaꝓi joña.

Noage Probhuak' Jisuak' Bhage Sombat do...

Dhorom Galmarao

AMAK' ONTOR DO OKARE TOLAKANA DHARTI REAK' DHON-SOMPOD RE SE JISU KRIST RE?

Kristre aꝓi manotan dulariaꝓ Go-Baba, boeha-miserako- jotoko Jisu marañ

Teheñak' Bhage Sombat abo sanamko samañre miꝓten kuꝓlieye dohoyetkana: abo sanamkoak' ontor do okare tolakana dharti reak' dhon-sompod re se Jisu krist re? Dharti reak' dhon-sompod re tol tãhēlen khan jion dahar do thoꝓa din laꝓit' raꝓka bhijauka menkhan tayom daram jion do eken muskilte perecakana. Jisu cetan re ontor do tol tãhēlen khan jion do jāhãtiñak' muskil hijuk' re hō jion dahar taꝓam re alga bujhauka ar serma teak' raꝓka aꝓkar nāmoka.

Dharti reak' dhon-sompod re tol tãhēlen khan jion dahar do dharti re tãhē dhabicge raꝓka emabona. Jisu cetan re ontor do tol tãhēlen khan jion dahar do jaejug dhabic' raꝓka emabona.

Dharti reak' dhon-sompod re tol tãhēlen khan jion dahar do serma seꝓ do bañ menkhan norok' seꝓe aꝓurbona. Jisu cetan re ontor do tol tãhēlen khan jion dahar do serma seꝓe aꝓurbona.

NĀWĀ NIYOM KHON DHĀRTI REĀK DHON-SOMPODRE TOLAKAN NĀMUNAKO

Nāwā Niyomre aema lekan nāmunako menākkoa okoe ko do purā jion dhārti reāk dhon-sompod ar dhārti reāk maya-jalare tolakanko tāhēkana ar serma teāk jinisko babotre do aḍI komgeko hudis leda se ko cintā leda. Dhārti reāk dhon-sompod ar maya-jalate ko perecakan tāhēkante, serma babot ar nijāk atma babot do baḳo hudis leda. Dela to ṭhōra Nāwā Niyom khon nāmunako bon haṭaokoma jemon Isorāk katha napaetebon bujhau.

1. Judas Iscariot:

Judas Iscariot do Jiseren miṭgel bar celako mudren miṭ hoṛe tāhēkana. Uni do Jisui sapoculede karonte ge jaṣtie baḍaeyokkana. Uniāk jion do aboko noā sikhaunae emabonkana je dhon-sompod re jaṣti tan tāhēlen khan, Dhon-sompod ge aboren maḷik doe hoyoka. Dhon-sompod re ṭan tāhē khan, Isor laḡiṭ, jion re jaega oho ge nāmoka. Judas ṭhen do Jisuren celakoāk ṭaka-paiṣa reāk jimā do uni ṭhenge tāhēkana. Unige ṭaka-paiṣa doe calao-benaotkan tāhēkana ar ona iṭe ṭaka-paiṣa reāk jaṣti laloc ar biḍau do uni hecādea. Uni do niā biḍaure bae teṅgo ṭarhao ḍareyeda ar dhon-sompod reāk laloc samañ re, acren Guru ar Probhu hō, uni do dhon-sompod laḡiṭe aḳhriṅkeda cedaḳ je uni do dhārti reāk dhon-sompod teye tolakan tāhēkana.

2. Samari Maejiu:

Jisu do Samai maejiu são Jacobāk kũñ ṭhen tikiin oktereye nāpamledea. Samari maejiu hotete aḍi damanak katha bujhau re hijuḳkana je hoṛmo reāk sana meṭaote nāmok raṣka do eken bar din laḡiṭge kana ar noā do jaejug suk-raṣka do ohogei em ḍareabona. Uni do raṣka seṅdrate morē dhao jāwāyok hoyentaea, enhō saṛi suk ar saṛi raṣka do bae nāmledea. Uni do saṛi duḷar seṅdrate oho geye nām leda. Uni do saṛi duḷar sendra laḡiṭte, oraḳ khon hō eṭaḳko tāhēn okte kũñ ṭhen bae hec ḍareyakkan tāhēkana, ar onate uni do tikin okte reye odokkana daḳ lue laḡiṭte. Uni do saṛi suk ar saṛi raṣka hoṛmo aḳhriṅte ar aema herel são hoṛmo haṭiṅte arjaoe menjon kana menkhan onako te hō saṛi raṣka ar saṛi suk do bae aṭkar leda cedaḳ je uniāk ontor do dhārti khon nāmok jinisre tolakan tāhēkantaeta. Uni do kai reāk jhaliṛeye capiakan tāhēkante baṛiḱ dahar reāk diṣa hō bae bujhauetkan tāhēkana.

3. Jisu janam biḍalren Raja Herod:

Jisu janam biḍalren Raja Herod do kaṭic gidrakoe goḱ ocokletkoteye baḍayokkana. Uni do Nāwā ge janamakan Raja khon acāḳ rajsingḥason bañcao laḡiṭte, bar bochor khon kaṭiḱ sanam gidrae goḱetkoa. Uniāk do acāḳ raj siñḥason bañcao reāk laloc te, kaṭiḱ gidraḳo māyām gohako hoena. Uni do acāḳ raj siñḥason bañcao laḡiṭte, acāḳ tiye māyāmkeda ar ona māyāṁte esetaḱan ti do oka gada se oka jalapuri reāk daḳ te hō bañ abuk saphaktaeta. Uniāk ontor do dhārti reāk raj siñḥason bañcaore tāhēkantaeta. Uniāk mon-ontor do māyām akan tāhēkantaeta. Uni do Nāwā janam bale raja hō goje reāk pontha tāhēkan taea ar onate uni do purubren pea paṅditko noa kathae meṭakkoa, "Unipe nāme re in hō laianpe jemon in hō uni calao katein puḷawae". Metakme uni do uni goje reake hudisetkan tāhēkana.

4. Raja Herod Antipas:

Raja Herod Antipas do aḍige bebaṛiḱ rajae tāhēkana. Uniāk bebhar do aḍi bhage do bañ tāhēkana. Uni do khacaṛ geye tāhēkana ar uniāk ti hō māyāṁte perecakan tāhēkana. Uni do eṭaḳ hoṛko gulamre dohoko reāk hudis tāhēkantaeta. Uni bhairan bahue apnarkedea ar uni sāoteye tāhēkan tāhēkana. Niā karon te Johon Baptista do metadea je amren boeharen

bahu sãote taken do bacric kamikana. Nia katha do Raja Herod bae hajom dareyada ar uni do Johon mittën bairi mëtteye nêllekan tãhêkana. Uni do Johon acáak dahar khon meťaokae reak hudis janamadea. Acáak janam dinre, Salomi do joto hořko samań reye enecena ar Raja Herod ađigeye kusiena ar řaskate uni doe menkeda, jãhãnakgem koyeń, emmań ar uni kuři do ac gog then seńkate kulikede ar uni do Johon Baptistakã bohoke koekeda. Raja do acáak nutum, acáak man-manot doho lađitte, acren siphahiko hotete Johone goćocokkede. Raja Herodak mon-ontor hõ dharti reak jinis re tãhêkantaea. Uni do Johon acáak dahar khon acáak sana meťao lađite meťaokede.

NãWã NIYOM KHON JISU CETANRE ONTOR TOLAKAT NAMUNAKO

Nãwã niyomre aemage bhage namunako menakkoa okoe do Jisu cetan niđak ontorko tolakat tãhêkana. Okoe hoř do Jisu catanre akoak aas -bhorsako dohokeda, unko do hahara kamiko nelkeda, atkarkeda ar tayom darom uniak hahara kami reak ko bãkhêkeda.

1. Jakeyus:

Jakeyus do mittën marań mařul uťhauice tãhêkana. Uniak kami do tãhêkana Rom lađit mařul uťhau. Uniak kami do bařic kami do bań tãhêkana menkhan uni do niđ kami hotete gadel hořkoe ereyeko tãhêkana. Uni do ac lađit labh haťaoe menjońkan tãhêkana ar ona karonte gadel hořko then khon jasti taka-paisae haťaoe kan tãhêkana menkhan uniak napam Jisu sãote hoyokkana ar uniak jion do pura bodolokkana. Jisu sãote napamte, uniak jion do nãwãk kan taea. Uni okoe do jaoge nam sećren hore tãhêkan uni do Jisu samań re niđ kathae menekana, "okoe in doń ereakatkoa, unko sańam do in pon doborin em ruřkatakkoa. Miť somoy tãhêkana okoe do erekate taka-paisa ar dhon-sompod hametjońe menet tãhêkan hoř Jisu sãote napamte uniak jion do jaejug lađit bodolentaea. Miť somoy uniak ontor do dharti reak dhon-sompod tolakan tãhêkana menkhan Jisu são napam tayom uniak ontor do Jisu sãote tollentaea ar uni leka danić, dan emok hore lekhaćkana. Uni do Jisu lađit nãwã sirjonńe hoyokkana. Jisu re ontor tollekhan dhon-sompod hõ danrebon em dařeyakã.

2. Bethanyren Mařia:

Bethanyren Mařia re mittën marań dular reak kami nel namokkana. Uni do ađI daman so sunumte Jisuać jańgae abuać saphaet kana (Jn 12:1-8), menkhan gadel hoř onde hajir menakko do uniak niđ kami nelteko menekana je niđte do taka reak nosto hoeakana. Bethany ren Mařia do ac lađit ceť hõ bae hudisleda menkhan acren Probhu lađite hudiskeda. Uni do ona akhriń kate aema taka-paisae namkea menkhan uni do Jisu lađite cibańkeda. Bethany ren Mařia re abo noa bon nelletkana je dular sodor lađit cibań do jarurgea. Uni do řaska salak daman so sunum ac lađit do bań menkhan Jisu lađite bebarkeda cedak je uniak ontor do ona so sunum re do bań tol tãhêkantaea, uniak ontor do Jisu re tol tãhêkante uni lađit daman so sunume dankeda.

3. Sonot Paulus:

Sonot Paulus do mittën kĩař pharisiye tãhêkana mekhan miť dhao Damakus dahar re Jisu são napam hoyokkantaea ar ona napamte uniak jion bodolokkana. Miť dhao okoe do Jisuren pańjakoe tolkate Jirusaleme idikyetko hoř do mone lađitentaea. Nia napam te uni do mare hore bađikeda ar nãwã hore pańjakeda (Phil. 3:7-8). Uni do Jisue namkedete dharti reak sanamakko damanak do bae lekhaleda menkhan dharti reak sanam damankko cetanre Jisu

ge joto khon damanak ar joto khon sorose lekhkede. Uniak porcar kami do adi alga kami do ban tahkana menkhan uni lagit sanam muskilakko sahao lagit jaogeye sapraogeye tahkana. Uniak ontor do mit dhao beret ruakan Jisure tollen tayom do ar do tiske dharti reak dhon sompod re banqe tollentaea. Uni lagit Jisuge sanamake tahkana.

4. Sonot Patras:

Sonot Patras do sadhron hore tahkana. Uni do Jisu hoteteye bachao oculena menkhan uniak jion dahar re aema dhao dhigdha tahkan taea. Pahl khon uniak ontor do Jisu re do kajakte ban tolakan tahkana. Sonot Patraage uni kuliyic hor do okoe do noa katha Jisui kulilede, "ale sanamko okoe do jotoak bagi kate amle panjayetme, cetle nama?" Okte-oktere uni ho digdha janamadea, menkhan uniak digdha do bai-baite cabayentaea. Goc ko khon beret ruaren Jisuk dorson ar Sonot Atma then khon dare namte uni do acak jione nawa arukeda. Uniak ontor do Jisure tolmitakan tahkana ar onate uni do Jisu lagis acak jiwie emae ho bae paclena. Uni do Jisu lagit sanamake alaekeda ar Jisu cetan rege acak aash-bhorsae dohokeda.

Kristre adi manotan dularia Go-Baba, boeha-miserako, bhage Sombat ren jua koru do acak dhon-sompod joto khon jastie dularert tahena ar ona karonte acak dhon-sompod bae bagi dareyada. Uniak mone- jiwie do dharti reak dhon-sompod re tahkante, Jisu panja adige hamal bojha kutun lekae atkarkeda. Dhon-sompodteye dapal esetakan tahkante, adi mon duk salak Jisu then khone calaoena. Ona dhon-sompod ar taka-paisa re do hae-hae oka do abo sanamko Jisu then khon adi mon duk salake bidatbon. Dharti reak sanam jinisko do abo sanam ko Uni then sor ocubon lagitkana ar Uni then khon pharak ocubon lagit do ban kana.

Nehor Koe

Kristre dularia Go-Baba, boeha-miserako, aboren Probhu Jisu do bhage guru ar bhage hor kana ear unige sari dahar udukic do. Unige jion ar serma calak dahar do. Dela aboak ontor geraiko, unibon samaaema. **Aboak roj ruar do:**

E Probhu aleak ontor geraiko luturatalem.

E Baba Isor, ale do aleren Girjaren Gukpic, Dhorom Papa Pharancis lagit'le nehorokkana, dayatante, amak dular reak tonol re tolmitkaeme jemon uni do sanam horko jaejug reak dahar reye ayurko ar dharti maya- jala khon serma sec beget rakap kate jion kemaog lagite uskurko. Noa lagit' debon koema.

E Probhu aleak ontor geraiko luturatalem.

E Baba Isor, ale do ale dhorom subaren ayuic aboren Bishop Baba- lagit'le nehorokkana, dayate amak daya dular ar amak dante pereckaeme jemon dhorom subare sanam horko talare Isorak marshal do Jisuk sikhunako hoteteyei jhalkao ocue ar sanamko talare Bhage Sombatte jahir. Noa lagit' debon koema.

E Probhu aleak ontor geraiko luturatalem.

E Baba Isor, ale do sanam dharti manwako lagit' nehorokkana, daya kate amak sahate pereckome jemon bhage jionko kemaote, dharti re dular reak bhage sombat pasnao ar dharti re suluk janamok. Noa lagit' debon koema.

E Probhu aleak ontor geraiko luturatalem.

E Baba Isor, ale do ale aṭu-tolaren juan kora–kuṛiko laḡit'le koeyet'kana, Amak' daya-dular unko cetan re jhalkao ocueme jemon ontor bhitrire Jisuak' aṛaṅko aṅjom ar Jisu paṅjae laḡitko lahak'. Noa laḡit' debon koema.

E Probhu aleak' ontor geraṅko luṭuratalem.

E Probhu aleak' koeko aṅjomtaleme.

E Baba Isor, ale onko sanam isaṅ boeha-miserako laḡit'le koeyet'kana, okoe ko do duba dak' karonte nijor haḡotre menakko, dayatam Probhu Jisu kiṣaṛ hoṛko uskurkom jemon unko do reṅgec'-nacar hoṛko goṛo laḡitko lahate kostore menakko goṛoko nam.

Noa laḡit' debon koema.

E Probhu aleak' ontor geraṅko luṭuratalem.

E Baba Isor, ale nonde haḡir menakko sanam isaṅ boeha-miserako laḡit'le koeyet'kana dayatamte amak' bhor dan de jaṛialeme jemon ale sanamko do amak' hohole aṅjomte dhon-sompod, taka-paisako cetanre amge jionre paḡil ṭhaile em daṛeyam. Noa laḡit' debon koema.

E Probhu aleak' ontor geraṅko luṭuratalem.

Aḡyuric': E Babaṅcaoic Jisu, ale amle sarhaoet'mea cedakje am rege dharti khon serma calak' dahar reak' sikhaunako do menaka. Ale amren nijor gidraḡoak' koe-aroj aṅjomtaleme ar amak' mone leka purau taleme. Ini aleren Probhu Krist hotete. **Amen.**

Fr. Nicholas Besra SDB